

豫章黃先生文集

四



豫章黃先生文集第十五

黃庭堅魯直

頌九十首

具茨頌

曹侯善政頌

清閑處士頌

王厚頌二首

荅楊明叔送米頌

謝張寬夫送梭枰頌

乞筭於康宣叔頌

奉約宣叔頌

戲荅宣叔頌

清醇酒頌

醇碧頌

安樂泉頌

玉醴頌

荔支綠頌

筇竹頌

澄心亭頌

白蓮菴頌

了了菴頌

休堂頌

退堂頌

拙軒頌

贈嗣直弟頌十首

和程德裕頌五首

贈劉靜翁頌四首

再荅靜翁并以筇竹一枝贈行四首

再荅并簡康國兄弟四首

曉賢師續佛壽頌

覺範師種竹頌

荅雍熙光老頌

又荅寄糖霜頌

沙彌文信大悲頌

鐵羅漢頌

枯骨頌

髑髏頌

葫蘆頌

缺月鏡頌

還神岡圓首座戒刀頌

題永首座菴頌

勸石洞道真師染袈裟頌

贈成都六祖沙彌文信頌

寄六祖範和尚頌

羅漢南公外堂頌二首

羅漢南公塔頌

和朱宏夫真安頌

荅檀君送含笑花頌

戲荅寶勝甫長老頌

和斌老悟道頌

送賢師往廬州爲兩驅烏乞度

牒錢頌

解瞋睡頌

已字頌

爲慧林冲禪師燒香頌三首

爲黃龍心禪師燒香頌三首

雨花巖頌

伏仙巖頌

補陀巖頌

題高節亭頌

彭女禮北斗圖頌

頌取之左右逢其原

書蔡秀才屏風頌四首

具茨頌

帝省具茨在國南屏篤生韓公輔天子聖文
武韓公其德庭方靡職不宜乃宣力四方四
方維則歸補我衮職西羗不庭王師濯濯奏
功不時公請命行公出撫師王師矯矯羗戎
震驚其藪澤是狩復我王土將築於河之澍
人亦有言功不在初其潰於成陰有齒牙以
猾覆城天子聖神知我公孔武公雖歸止四
方以無侮京師之屏公曰維許樂土赫赫王

命北門是處公治北門有條有葉夷根拔節
蝥賊是伐惠及鰥寡日用飲酒萬有千載樂
公壽考公御宴喜樂酒溫克賓秩醉飽柔嘉
維則維公之德萬有千歲昇公遐福陟彼具
茨松柏孔碩若濟巨川維舟楫是度瞻彼具
茨有弁其陰如彼歲旱視公作霖公至北門
河潤九里公歸本朝萬物露兩帝顧具茨公
歸廟堂爲天下師傳於大隗有光於大隗有
光公壽考無疆

曹侯善政頌

并序

曹侯者嘉祐中爲益陽令有善政旣去而民思之以地寒故州將及監司皆不能推挽致之要津以盡其才久之亦馴致爲尚書比部員外郎知賓州以歿歿時其子堯封財五歲其文書皆族人藏去爲火所傷盡失其事特有後知益陽縣事齊術參酌民言爲異政錄錄其大槩予三讀而悲之夫曹侯之政徹機械而去虎是難能也至於惠民之政是可能而人不爲也曹侯之

政不可使無傳故作頌鏡之益陽縣中蓋曹侯爲
縣御吏嚴而不殘使民寬而不弛納民賦租不
以累其僚雖新雨旣晴雲雲陰暄未嘗閉倉庫
而不受租一斗者輸一斗租一石者輸一石吏
卒不能與民爲難民皆歌舞而歸異時大駟僉
仕家子與吏爲姦以官爲市攬納以制民之命
輸五斗者當入十於此皆逃入它境舊令尹死
官下其子煙替爲隸貧甚爲人傭書侯與資令
納婦不幸病死侯又斂之民有家產而無男以

二女囑其弟而死其弟凍餓其二女且役之過
時而不嫁侯捕其弟杖之擇愿民婚其二女折
其父家產之半而業二壻侯至之始其邑多虎
所在設機穽日以得虎而虎暴不息侯曰是爲
政之罪命盡去機穽未踰月負販山行水宿不
逢虎也觀其人善政必多尚按齊君所錄如此
曹侯郴人諱靖字中立內行孝友當官所至有
績頌曰

曹侯輟耕學手上國進士起家爲吏有績雖囊

人子孔武且碩我惠我威養民如子我勤我暇
不借吏史虎暴人境肆作機穽侯曰徹之病在
乎政惟此戾蟲廼與政通風林岑蔚征夫不逢
我作頌聲與民歌之不誣方將俾勿磨之

清閑處士頌

至樂山中嘉木之樾有人天游風雲爲馬鷗鷺
爲舟有詩客李發字之曰清閑處士而蜀有豪
士王當以爲蓋謝敷之流其清也不登市井之
隴其閑也不襲王公之鉤傲睨萬物逍遙一丘

身與長松共老名與北斗俱休涪翁曰名之不
稱實也久矣吾子何以是爲哉書潞則失涿謂
鷹則化鳩故一以我爲馬一以我爲牛蓋有有
其實而不受亦有無其實而固求者也常試爲
吾子道清閑之致乎水之爲物甚寒而極清鬱
爲堅冰得溫而釋遍利諸生雲之爲物無心而
出岫穴風休雨息反一無跡我觀古人以是爲
則若夫汙泥濁水與蛙同生不溷其清自探井
日日耨荒徼未嘗不閑惟有道者能藏於天吾

子何處焉清閑曰我無所用於世而從所好惟
水雲與之忘老何敢以爲有道涪翁曰蛇痔十
乘曹商自優非君清流商財計得白圭擬國以
閑爲慝雖然同一大夢達者先覺方在蟻垤憂
樂計校也世無公孫僑孔仲尼誰辨夢覺亦曰
舉世溷濁惟我獨清萬法本閑而人自擾擾爾

王厚頌二首

八風動搖人不閑五穀自饔鬻毛斑文章書畫
當富貴惟有如今至樂山

夕陽盡處望清閑想見千巖細菊斑人得交游
是風月天開圖畫即江山

荅楊明叔送米頌

買竹爲我打籬更送米來作飯用此回光反照
佛事一時成辦不須天下求佛問取弄臭脚漢
謝張寬夫送椶楨頌

菜茹之品椶楨君乖龍割耳鱉脫裙張子羞我
助貧餐桑鵝楮雞不足云曲肱一飽南風薰萬
事於我如浮雲